

**A**Syria finitur à septentrione Armenia maiore, ab occasu Mesopotamia & Tigri flumine, à meridie Susiana, ab oriente Media. In hac Ni<sup>n</sup>us urbs est, quæ & Niniue, sed nunc Baldach dicta. In ea residet Calyphus papa omnium Sarracenorum, tributum magno Tartaro persolvens, sita sub gradibus 78.0.36.40. Media terminatur à septentrione Caspio mari, ab occasu Armenia maiore & Assyria, à meridie Perside, ab ortu Hyrcania & Parthia, urbem habet præclaram Ecbatana, quæ à Ptole. Aebatana Eam Arfaxat rex Medorum fundauit, de quo Iudith capite primo 88.0.37.45. Susiana habet à septentrione Assyriam, ab occasu Babyloniam, ab ortu persidem, à meridie Sinum Persicum. Hæc hodie Corozane regnum continet, ciuitates præclaras habet Sambragatam, quæ iuxta Ptole. Susa est 84.0.34.15. Craßana, apud Pto. Agra 80.30.33.45. Hæc regalis est, & una ex qua Magi ad Christum uenerunt. Persis terminatur à septentrione Media, ab occasu Susis, ab ortu Carmanis duabus, à meridie Sinu Persico. Hi à Medis in se & Susa retulerunt regnum, lapidem gignit Pyritem, manum præmentis urens. In hac primum orta est ars magica, hanc Nemroth gygas post confusionem linguarum adiit, præcipuas habet ciuit. Persopolim, uictoria S. Georgij clara 91.0.33.20. Bahagdad, à Ptolemæ. Toaca putatur 89.0.30.20. Bassera maritima, à qua mare hoc nomen accepit 18.20.29.50. Parthia, ab occasu Medos habet, à Septentrione Hyrcaniam, ab ortu Ariam, à meridie desertam Carmaniam. In hac ferunt esse mansionem Ciconiarum, postquam à nobis recedunt. Hyrcania terminatur à septentrione Hyrcano pelago, ab occasu Media, à meridie Parthia, ab ortu Margiana. Ferax Tigridum. Urbem præclaram habet Hyrcanam 98.30.40.0. Carmania deserta, ab occasu Persidem habet, à septentrione Parthiam, ab ortu Ariam, à meridie alteram Carmaniam. Carmania altera, terminatur à septentrione Carmania deserta, ab ortu Gedrosia, ab occasu Perside & sinu Persico à meridie Indico pelago. Hæc hodie Magolista dicitur, nunc etiam sub imperio Persarum est, urbem habet præclaram Arcinum emporiale sub gradibus 96.30.23.0. Arabia fœlix, à septentrione habet petream atq; desertam Arabias, ab occasu Sinum Arabicum, à meridie mare rubrum, ab ortu Sinum Persicum, & mare rubrum, hæc à ciuitate Gydda usq; ad Adem Leaman terra est. In hac Saba regia est sub gradi 76.0.13.0. Mecha domicilium Mahometi 72.15.23.0. Adem à Ptole. Arabia emporium est 79.20.11.50. Gydda, à Ptole. forte Badeo 70.0.20.15.

### De Margiana, Bactriana, Sogdiana, Sacis, duabus Scythijs ac Serica.

#### CAP V T - XVIII.

**M**argiana habet ab occasu Hyrcaniam à septentrione Scythiam intra Imaum montem, à meridie Ariam, ab ortu Bactrianam. In ea Massagete & Tapuri populus. In hac Noij Imperator potentissimus moram agit. Bactriana terminos habet ab occasu Margianam, à septentrione & ortu Sogdianam diuisam ab ea Oxo amne, à meridie Ariam & Paropanisadas, gignit Camelos prædurissimis unguis, quas nunquam atterunt, urbem præclaram habet Bactra, huius regionis Metropolim & regiam sub grad. 116.0.41.0. Sogdiana terminatur ab occasu & septentrione Scythia intra Imaum montem, ab ortu Sacis, à meridie Bactriana & India. In ea regione duæ sunt Alexandriæ. Oxiana 113.0.44.40. Ultima Alexandria, hactenus Alexander magnus